

天

走
滑
題

雲南備徵志卷八

原任山西武鄉縣知縣臣王崧編纂

故實八 南詔野史

南詔野史 明阮元聲著

星野

在天井鬼入參一度漢書次鶉首末位晉書麗中台上位北

斗闔陽一星宋書在地乃梁州裔土蜀之苑囿河圖緯

南詔稱名

按夷人稱王爲詔稱朕爲元稱帝爲鰲信稱兄曰容稱弟曰鐘稱下爲景唐始稱南詔因蒙氏吞五詔居永

昌姚州之間地在五詔之南故曰南詔

六詔

六詔之地東西三千里南北四千六百里蒙舍詔蒙化

巋詔

建昌

施浪詔

曲靖

鄧賧詔

鄧川

越析詔

麗江

浪穹詔

今爲縣

六詔稱名不同歷代各異

周名百濮戰國名滇國漢名西南夷蜀漢名建寧晉名
晉寧唐名南詔唐憲宗封蒙氏爲南詔王賜金印賜省
城名鄯闡宋名南詔元名雲南明亦名雲南唐元宗見
祥雲起名祥州乃雲南縣也古名一縣今爲一省之稱
漢元豐案豐當初置雲南縣則漢亦名雲南白古記唐

元宗問張儉成住何處答曰南邊雲下因命爲雲南

南詔歷代蠻王據土時年

雍闓孟獲據於漢蒙氏據於唐二百五十餘年鄭趙楊相繼據於五代段氏在宋時建都大理至明始滅七姓據土數百年惟蒙段最久自唐至元始滅高氏於明朝現存土官蒙氏建二都以大理爲西京省城爲東京

南詔歷代名宦

李穀爲南蠻校尉政治明達晉光熙元年五苓夷反死之其女秀有父才領州事至懷帝贈少府諡威侯王

遜爲晉寧守華夷畏服太寧元年夷叛死之

案李穀王遜皆以病

卒未死 州人以中子堅領州事官至平西安南將軍
國難

張翕漢永平間守張元元初間守 王追永和中守

鄭純臣漢明帝時守 文齊蜀人水利有功益州守

呂凱三國時守 中萬歲隨時守 前有吳霸陳立後

有張亮劉寵犍爲費施案費施疑爲費禕之譌巴東馬忠皆著勳

烈 匏堯夫大明守案以上敘次時代多凌亂以下亦多如此

南詔歷代鄉賢

段文瑞澂江人讀書盡孝元詔旌門爲臨安總管 楊

惠楚雄人孝母感神元朝旌表

南詔歷代名賢

許叔漢明帝時人明五經爲本郡教授 張志誠唐大

和時人入蜀學羲之書法歸教滇人 王昇昆明人元

時授曲靖宣慰司副使學政名於時 張景雲昆明人

元至正間授臨安經歷 陳實案陳實疑爲傳寶之譌平彝人

尹貢夜郎人二人德政名於時歷官尙書

元朝南詔歷科進士

王楫至治辛酉中式昆明人仕至晉寧州判 李敬仁

至順庚午中式昆明人仕至宣慰司副使 李郁至正

戊子中式昆明人仕至理問所知事 段天祥至正甲

午中式昆明人仕至本省都事 李天祐至正庚子中

式昆明人仕至嵩明州判本省都事五人俱三甲

元朝雲南鄉試條格

元皇慶二年翰林李孟奏准開科三年一試時九成殿
生芝天下共取三百人每榜雲南只取五人蒙古取二
人色目取二人漢人取一人以八月二十日初場二十
二日次場二十六日三場

大明雲南開科

洪武三年二月詔取士條格初場經藝一篇四書一篇
二場論一篇詔誥表內科一篇三場策一道中式十日
及試騎射書算律五事 洪武十七年甲子勅天下三

年一試 洪武甲子雲南始開貢 癸酉雲南始赴應
天鄉試 甲戌始中進士 永樂九年雲南始開科
景泰四年定取雲南中式二十名尋加十名 宣德元
年定取雲南共五十名 嘉靖丁酉雲南貴州始
分科雲南額中四十名 萬厯丙子巡撫鄒應龍奏加
五名

南詔古蹟

省城唐永泰十一年蒙太子鳳伽異築洪武十五年修
廣十里三百三十四步共一千九百六十七丈伽異未
立死城東宣武王築小城與子順化卽古城城北十里

玉女城梁王築

滇池三百里史云源廣末狹似倒流

故曰滇池晉

案晉字疑爲梁字之譌

孝武帝太元十四年寧州守

費統奏滇民董聰見池中黑白二馬出入故老言神馬
出與馬交生滇池駒日行五百里金馬碧雞周天竺
國阿育王有三子長福邦次宏德次至德王有一神馬
三子爭之王令放馬得者與之三子至德追至東山得
馬卽今之金馬山長子繼至聞得馬屯西山時碧鳳在
山土人呼爲碧雞至蒙氏封二神爲景帝漢武帝遣王
褒求金碧神褒至蜀望祭而回祭文曰歸徠歸徠漢德
無疆褒回道卒孔廟南詔不知尊孔子以王逸少爲

聖人元有文廟在城外魚課司至賽典赤移入城 賽

公又開東西河東名金汁河西名銀汁河教育有功封

咸陽王春秋廟祀 祠山廟漢張勃守滇興水利邦人

祠祀之 諸葛碑在省城東二里舊漢營 土主廟蒙

氏十一年建大義法師以菩提珠子九顆種廟左右今

存西一株甚茂

案順治五年焚枯康熙丙午風拔今無

圓通洞有蛟爲

害盤龍僧建寺鎮之蛟去水涸名潮音洞元李道源有

碑

案潮音洞在呂祖閣下康熙五年修洞得龍骨數十擔龍首上有小鐵戟二支法書一本吳三桂藩下甲

兵得之不

知所終 倉神明雲南府知府郭鉦建倉建學有功

滇人立廟於倉今爲倉神公順天人也 梁王宮今長

春觀 梁王墓在近耳山 寶興赤墓在省城北門外

白塔在東嶽廟前乃元萬慶寺塔 穿心塔在官渡

螺精爲怪建塔鎮之市有碑蒙氏摩訶嵯會盟立 段

平章墓在大理崇聖寺後 漢使臣廟在進耳山 爨

王碑在省城東十五里成都間邱均撰洛陽賈洵書

溫泉在安寧滇十七池惟此甲天下唐明皇玉蓮池不
及也下有硃砂之故凡溫泉必砂礬硫磺在下乃熱觀

湯池可知 梁王避暑宮在羅漢山 鹽井滇中共四

十處惟姚安白井楚雄黑井最佳狼井黑井因狼與黑
牛舐地故名白羊井今譌爲白鹽井蒙氏時洞庭龍女

牧羊於此羊忽入土掘之鹽水出乃名白羊 神石在

南安州 九隆山在永昌有王氣武侯掘斷之 鐵橋

在巨津州隋開皇年鑄 地符在白崖石上有文蠻王

禁人踐之 神鹿在點蒼山一鹿二頭食毒草 諸葛

碑文曰碑卽仆蠻爲漢奴夷人碎之 石人在武定石

曰縣仙翁騎驢至驢驚仙翁斬之現存又一處在呂合

仙人骨在呂合 石佛在宜良崇眞寺孝惠王建蒙

武宣王見山有白光掘得大石佛 案此條疑有脫誤 秀山

在臨安有花一株如芍藥中原未有 盟誓碑在曲靖

北十五里段氏與三十七蠻部會盟立 銅柱在大理

唐何履光至南詔復立伏波銅柱 大相公嶺在寧州
山高下視白骨可畏 仙人迹在通海箐口鋪有白沙
巨人跡掃之正午不見次日依然 萬箭樹在永昌段
氏時獫狁亂過者射以厭之 竹王祠在通海縣漢女
子浣衣竹流來有聲破竹得兒長雄於諸夷以竹爲姓
棄破竹於野長成爲林 禮拜寺在省城內賽典赤建
青華洞在雲南縣南八里漢時出一鹿二首絕異

火井在阿迷州田中投竹木則然夜有光 五臺峯在
點蒼山漢使李平寧見有風水掘斷之爲雷震死此建
寧張氏時事 風雷洞在阿迷州百里內有風雷之聲

羅佐關在烏蒙山山高由蜀敘州入滇要路

古滇名山勝跡不能盡載聊述其大略耳

南詔歷代源流

雲南古荒服無紀載自古記三皇之後西天摩竭國阿育王第三子鰥苴低娶欠蒙虧爲妻生低蒙苴苴生九子名九龍氏長子阿輔羅卽十六國之主次子蒙苴兼卽吐蕃之祖三子蒙苴諾漢人之祖四子蒙苴酌案酌一作東蠻之祖五子蒙苴篤生十二子五賢七聖蒙氏之祖六子蒙苴託居獅子國七子蒙苴林交陟之祖八子蒙苴頌白崖張樂進求之祖九子蒙苴闕案闕一作闕白夷

之祖 按哀牢夷傳古傳有婦名沙壺因捕魚觸一沈
木感而生十子後木化爲龍九子驚走一子背坐名曰
九隆又云哀牢有一婦名奴波息生十女九隆兄弟各
娶之立爲十姓曰董洪段施何王張楊李趙九隆死子
孫繁衍各居一方而南詔出焉故諸葛爲其國譜也

大白國

阿育王第八子蒙茸頌居大理白崖因地名號白國至
楚威王命莊躋伐滇躋遂自爲滇王莊威

案威字疑衍文

王之

後好佛法綱紀不振國人推張仁果爲王至漢武帝命

張騫使滇立仁果爲王仍稱白國後昆彌氏繼之改白

爲拜

拜國

昆彌氏國號歷年莫考張氏繼之改爲建寧國

建寧國

張氏國號漢末祖張仁果居蒙舍川昆明大族眾立爲
王建都澂江號雲南王蜀漢建興三年滇西雍闓假鬼
術殺益州守正昂歸吳吳王孫權以闓爲永昌守武侯
南征至白崖殺闓封龍祐那爲長亦賜姓張號建寧國
築建寧城并鐵柱立碑南中紀功云萬歲後勝我者過
此隋史萬歲見而仆之下有字云史萬歲復立吾碑立

而祭拜去張氏傳三十三世至張樂進求一見蒙奇王
有異相遂妻以女讓位與奇王王姓蒙名細奴羅遂滅
張氏號大封民國

大封民國

奇王蒙氏始唐高宗永徽三年乃建都蒙舍築城龍圖

山

案滇載記作瓏玕
圖山在今蒙化

貞觀初滅南詔號大蒙國稱王僭

號自此始僞諡高祖

長和國卽篡臣鄭買嗣

鄭買嗣宣武王相鄭回後官爲侍中宣武王巡鄯闡留
嗣守國遂篡蒙位建都大理號長和國歷三世楊干真